


UTL AT DOWNSVIEW



D RANGE BAY SHLF POS ITEM C  
39 11 13 25 05 001 1

**PLEASE DO NOT REMOVE  
CARDS OR SLIPS FROM THIS POCKET**


---

**UNIVERSITY OF TORONTO LIBRARY**

---







Digitized by the Internet Archive  
in 2010 with funding from  
University of Toronto

<http://www.archive.org/details/ehzdecem00meme>

# شہزادہ جسم



عربی  
محمد توفیق

---

استانبول  
مکتبہ المشرق  
طبع شدہ در سال  
۱۳۲۷







2371

Şehzāde Cem

# شہزادہ جم

محرری

محمد نوفیق

شد برقع روی چو مہت زلف شب آسا  
سبحان قدیراً جعل اللیل لباسا  
منلاجامی

اولدی یوزینک برقی اول زلف سمن سا  
سبحان قدیراً جعل اللیل لباسا  
سلطان جم

کتابخانہ شہزادہ جم  
استانبول

کتابخانہ شہزادہ جم  
کتابخانہ شہزادہ جم

LIBRAIRIE MOUHTAR HALIL

کتابخانہ شہزادہ جم

کتابخانہ شہزادہ جم


۱۳۲۷

DR

503

M 45

1911





ہورسالہ بر ترجمہ حال اولمقدن زیاده ، ہورایہ درج اولونان ،  
شہزادہ جم تصویرینک بر کتابہ تقدیراتی در .

بر مکتب ارقداشمک و قتیلہ قارہ قلملہ یامش اولدینی  
یوتصویر ، برقچ آی وار ، الیمہ کجی . اوتصویرہ ، اونی ترسیم  
ایدنک آلتہ یازیلان اسمہ ، باقدجہ اوتوزیش سنہ اولکی  
چوجقلق آوانی مفکرہ مدہ تجددایدیور ایدی ؛ مکتب کنیہ سی  
» چاملیجہ لی شوقی « اولان بور فیک صباوقی خاطر لایور ایدم ...  
ایکی سنہ اولویور ؛ مصابی عفوایتمز برخستہ لاق اونی  
چاغدن اول آلدی ، کوتوردی . تربیہ سی ، معلوماتی ، وظیفہ  
شاملنی - اونی طانیانلرجہ - مسلم اولان فریق محمد شوقی  
پاشائی خاطر لامقدن بواثر وجودہ کلدی .

اونک وجدانندہ کی پاکلیکی ، نامنی تذکارہ وسیلہ اولان  
اثرک ، عثمانلی خاندانی اعضاسندن - علوفطرتی ، حیات  
تلخ کامیسی ایلہ تاریخدہ دکرلی صحیفہ لر طوتان ممتاز الاقران -  
شہزادہ جمہ تعلق ایتک تجلیسی دہ کوستر .

استانبول - صفر الحیر سنہ ۱۲۲۹ ، کانون ثانی سنہ ۱۹۱۱



## شہزادہ جم

ملک حافظہ احترامندہ اک آجیقلی، اک رقتی احتسابات  
اویاندران، عثمانلی خاندانی شہزادہ لرندن ایکی سیماي نجمیک  
بری شہزادہ جم، دیکری ایکنجی سلطان عثمان در.

کنج عثمان تخت سلطنتک برنجم اقبالی ایدی. ملک اکیل  
شرف ومباهاتی اوزرنده الماس برچینک کی طاشیمق ایستدیک  
اون سکز یاشنده اوجوان پادشاهک، بی رحم اولدیقی قدر خشین  
الدرله، جاننه قیلمق شناعتی بر وقعه دلسوزدر. حیت وفدا-  
کارلقده اونلره رهبرلک ایدن پادشاهلری اوغورنده فدای  
حیاتدن هیچ قاچینامش اولان عثمانلیلر نسلدن نسله انتقال  
ایتمش متفرانه ومتأذیانه طویغولر ایله او هائله تاریخیه یی بو  
کونه دک خاطر لایه کلشردر.

بو اذای وجدانی یی انجق صباحت سنک انوار نجابته  
التماسیله تجلی ایدن، قاتلرینه قارشى اولان خشیت و نفرتک،  
شهادتنه آغلایانلره قارشى اولان خشنودی ورقتک انموذج  
تظاهری بولونان برسیماي شاهانه و مظلومانه نک سریع الاهتزاز  
خیال مصفاينه انجذاب ایله تهوینه چالیشمشلردر.

شہزادہ جم ایسه یالکز پدری فاتحک مقام سبطنتی دکل،  
تختکاه فطانت و عرفانک جم فیوضاتی اولان دکای جوانی ده  
توارث ایتمک موهبه فطریله مبشر ایکن، طوغمه ده



كجيككم قباحتيله جزالانغه محكوم اولمش ، عفويني اميد  
يهوده اولان بوجزادن تخليص كردن ايچون بابا طوراغني  
ترك ايله نفسني اغترابه محكوم ايتمش برشزاده الم دیده در .

فاتح سلطنتك صوك زمانلرنده مسيح پاشا مامور اولديني  
ردوس اطهسي فتحنی برنتيجيه ايرديره مەمش ایدی. اوردينك  
يوز كریه دونمەسى پادشاهك جاني صیقدی . ايلك بهارده  
عسكرك يكيدين آناطولیده طوپلانمسی امرینی ویردی ؛  
کندی نه موکب هایون باشنده اؤسکداره کچدی . ککبوزنه  
بك اوزاق اولمايان «سلطان چاری» موقعنده اوردی قورولدی .

اوتوز سنهك متاعب حرب وسفر ، مشاغل حكومت ،  
شاهانه ده ازلسه وجود ييپراتمقده تأثیرسنز قالمایان اذواق وآلام  
حيات ، ياشی هنوز بك ایلرولك اولمايان سلطان محمدی وجودجه  
يورمش ایدی . بوتعب وجود ايله يقالانديني بر حمای محرقه  
اونی سلطان چايرنده کی اوتاغنده برقاچ کون ايچنده ياقوب  
قاووردی .

فاتحك بويله ناکهانی وفاتی آماسيا والیسی بويوك اوغلی  
شهزاده بايزیدی عثمانلی تحت سلطنته چيقارييور ؛ کوچوك  
اوغلی قره مان والیسی شهزاده جمی ده - اونك آدینی شرقده ،  
غریبه داستان انام ایده جك - بدبختانه برسر انجامه طوغری  
سوروكله يوب کوتورييور ایدی .

باباسی اولديکی آنده هنوز يکرمی ايکی ياشنی طولدير مەمش

اولان شهرزاده جم ، کنج لکنه رغماً علم و عرفانی ، علو جناب  
 و قهرمان مشرب لکی بریده طویلايان مزایای خلقیه سی ایله  
 خاندانك صیت معالینسی توارث ایتمش بر عثمانلی شهرزاده سی ایدی .  
 آناسی جزائر بحر سفیددن برنده تورك دکنز فدائیلری  
 ( قورسان ) الینه دوشمش ، حسن اقبال و تناسب اندامی ،  
 اونی عثمانلی سراینه ، پادشاه فراشنه قدر کوتوروب یوکسلتمش  
 اصلی و ندیکلی براسیره مقبله ایدی . جم ، خاندانك لسان  
 عرقی اولان تورکجه دن ، معنای واضح و شاملی ایله ادبیات  
 شرقیه نك بوگون بیللمتکای رصین و تزییی بولنان عرب و فرس  
 لسانلرندن فضله آنالسانی اولان ایتالیانجه یی ینه او آنانك فیض  
 مظاهرتیله برده روحمجه یی داها آغوش مادرده او کرمش اولدیغندن  
 اولسانلرده ده اوقور ، یازار ایدی . السنه شرقیه یه وقوفی ، فاتح  
 عصری شعراسندن قاضی عسکر ولی الدین زاده مصاحب احمد پاشانك

« طرز غزلده خامه سی اول شهرزاده نك ؛

باغ ارمده طوطی شیرین زبان ایدی . »

یتیمه ثناخوان اولدیغی وجهله ، اونی خاندانك ، زمانك  
 شاعرلری ، ادیبلری صیراسنه قاته جق بر مرتبه ده ایدی .  
 باباسنك علوطبعنه ، کالات عقلیه سنه بر توارث عرقی ایله صاحب  
 اولان شهرزاده جم بومزیتلرک اونده او یاندریدیغی حرارتلی امللرله  
 بابادن قالان موقع اعتلای شرف و سلطنته کوز آتمقدن کندیغی  
 آله مادی . پادشاهلغه کله جک قدداشی النده جان و یرمک تهاسک سنك ده  
 بوجدال اقبالك برسائق بی امانی اولماسی خاطر لر دن چیقار یلما لیدر .



داها بك كنج ياشنده قره مان اياتى وائىكنه چيقاريلان بو  
عثمانلى جى ايران ادوار اساطيرنده شهرت ياب اولمش بر كمر اى  
قديم ايله نامداش بولمق سائقه سيله دكل - بولنديغى زمانك  
اركك شهزاده لرینه مخصوص - بر تربيه رجولانه مقتضياتيله كورش  
ايتك، قليج اورمق، كورز ساللامق، اوق آتمق كى عجمك بهرام  
كورلرغى خاطر لاتان ادمانلر، تعليملر ايله ده كوجده، يكي تليكده  
تفرد ايدنلردن ايدى .

بوجوان بهادره، بوشاعر شهزاده يه مطاوعت دخواهانه  
ايله منقاد و مجلوب اولان قره مان توركنلر اوني يالكىز  
قونيه كرسى ايالمه تصدير ايتمش كورمكله قانع اوله مايورلر ؛  
نيجه عصرلر تحنگاه قياصر روم اولان قسطنطينيه ده موقع احتشامنى  
بولمش اولان تحت سلطنت عثمانيه يى باباسى فاتمحنن صوكره آنجق  
اوكا لايق كورويورلر ايدى .

فاتمحنن صوك صدر اعظمى نشانجى محمد پاشاده قره مانلى  
همشهريلريله همفكر وامل ايدى . پادشاهك وفاى و دعوت  
سلطنت خبرلرغى آماسيايه يوللادىغى پرساعى ايله شهزاده بايزيده  
بيلدريدكى كى بر آياق اول پايخته يتشمسى ايچون ده ال التندن  
كوچوك شهزاده جمه خبرلر اوچوردى . بو اولاق، اماسيه ده  
بايزيدك آدمى، اناطولى بكربكى سنان پاشا طرفندن يقالاندى .  
مكتوبى ايله برلكده وجودى اورته دن قالديرلدى .

خلقدن، عسكردن صاقلانمق ايستيلن وفات پادشاهينك  
ناصلسه يكيچريلر آره سنده شايغ اولمى استانبولده آرزغن

بر عصیان یول ویرمش ایدی . دوام اقبالی شهراده جمك تخنه  
 چیماسنده آرایان صدراعظم بو عصیانك البرنجی قربانی اولدی .  
 پدرینك وفاتی خبریله مقام سلطنت دعوتنامه رسمیسنی آلان  
 آماسیا والیسی شهرزاده بایزید یارادیلشمنده کی فتور و بیقیدی  
 یوزندن گاه ترك دغدغه حکومت ایتك گاه پای تخنه و ویراه عزیمت  
 اولمق قرار سزلغیله بر قاپ کونی ترددلر ایچنده کچورمش ، نهایت  
 متحیزان معیتك اقناعات واسترحاماتی قبول ایله یوله چیمیش  
 ایدی . آماسیادن حرکتك طقوزنجی کونی اوسکدار اوزرندن  
 استانبوله یتشدی ؛ سرای بروننده رهگذار هایونده گویا صغیسته  
 ابجال واستقبال اولان یکمچریلرک یتاغلرلیله چیزدکاری یولی  
 خواه ناخواه سریدیکی اتك طولیسی آلتونلرله قطع ایدرک داخل  
 اوله بیلدیکی یکی سرایده ( طوبقوسرای ) تخت سلطنته صعود  
 ایتدی .


علامت ماتم اولان سیاه عمامه صاریلی اوله رق باباسنك  
 جنازه نمازینی قیلوب تعشنی فاتح جامعی اتصاننده داها صاغلغنده  
 حاضر لاش منزارینه کومدیردکن صوکره اجرای حکومت  
 باشلادی .

شهرزاده جمه کلنجه او ، صدر اعظمك یکمچری عاصیلری  
 النده قتلی ، کندیسنه ال آلتدن کوندریلن دعوتنامه سلطنتك  
 یوله یقالانوب یرتیلماسی ، برادرینك استانبوله عزیمتده کی  
 ترددی ، تخت اجداده آنجق -- کستاخانه مطالبات ایله  
 قارشیسنه چیقان -- یکمچریلره فدیة نجات قیلندن ابدال ایتدیکی





نجیب و جوانمرد برسیای عثمانی : سلطان جم





عطیه لر سایه سنده تصدیر ایدہ بیلدیکی واقعہ لرندن خبر آلمش ایدی .  
 آداب مطاوعت و شرف سلطنتہ ناموافق اولان ہیپ بووقایی  
 بویوک برادرینک وقع شاهانه ایله هیچ برزمان قابل تألیف  
 اوله مایان برش و آفیون قوللانمق ابتلاسنی پیش تدقیق و املدن  
 کچیردی ؛ پادشاهانه قرنداشندن چوق نفسنده استحقاق کوردی ،  
 قناعت وجدان اونده کی سلطنت امللرینی تأیید ایتدی ؛ امر  
 جلادتنه منقاد ، مزایای عرفانه مقتون قره مانلیلردن رایت  
 تسلطنی التندہ طوبلانان یدی سکز بیک آتلی باشنه کچدی ؛

« همچو خورشید، شد روان از شرق ؛

بر سمند فلک مسیر جو برق ! »

بیت بلیغنک ناطق اولدیغی سمند عزم واملنی اوزنکیله یه رک  
 قونیه دن بروسه یه طوغری ایلغار ایتدی .

بروسه یه یاقلاشدیغنده رهگذار عزمه چیقان آياس پاشا  
 یکیچر یلرینی برصوات دلیرانه ایله اوروب طاغیده رق بروسه  
 سورلری اوکنده سطوت نما اولدی . شهرک قایلرینی ، اهاالیمسک  
 کوکلرینی فتح و تسخیر ایله اناطولیده پادشاهلغنی اعلان ایتدی .  
 اسلام عالمده حاکمیت و سلطنت علایم فارقه سندن عد اولونه  
 کلدیکی اوزره جمه نمازنده آدینه خطبه او قوتدی ؛ بروسه  
 ضربخانه سنده آدیله پاره باصدیردی .

بو تشبث و اجرا آت قانون و تعامله کوره پادشاه اولان  
 سلطان بایزید ایله نسل و عرفانه کووه نه رک پادشاه اولمق ایسته یین

سلطان جم آردسندہ برجداں سلاح بدستی انتاج ایتک ضروری ایدی .

بروسہ سرایندہ اختیار اقامت ایتش اولان شهرزادہ لک بویوک خالہ سی ساجچوق خانم - کہ مراد نائینک همشیره سی ، امیر چلبینک زوجه سیدر - سلطان جمک مراجعت والتامسی اوزرینه استانبولہ کلوب روم ایلی ایله آناتولی پادشہ هلتک ایکی قرداش آراسندہ تقسیم وقبولی تکلیفیله سلطان بایزید نزدندہ ایاجیلک وظیفه سی درعهده ایتش ایدی . خانم ، خاندان عثمانی اجل اعضاسندن بولمق حیثیتیه ، نزد شاهانده مظهر احترام اولدی ؛ حسن قبول کوردی اما ، تکلیفی جای قبول بوله مادی .

آرتق سلطان بایزیده جمی بروسدن طرد یتک ، سلطان جمده اوزرینه یورویه جمک بایزیدی کرییه پوسکورتک کرکیوریدی . ولی النعمته قارشی مکلفیتی شعار انسانیتدن بولنان دین وقای پاره ایله تعویض ایتک طینت نا کسانه سیله مجبول اولان باش اوطة جیسی یعقوب بکک یاپدیغی بردک ایله قوتی ایکییه بولونه رک مکنت مقاومت وثباتی تزلزلہ اوغرایان جم ، بروسه یکیشهرندہ پادشاه عسکرینه قارشی پریشانلغہ طوتلدیغندن ، اماسیهدن اوزاق اولمایان ارمنی کچیدی یولیلہ طاغلردن قرمانه چکیلمکدن باشقه اوکا چاره نجات قالماش ایدی .

والده سی ، زوجه سی سلطان خاتملر ایله چوجقلرینی وخواص توابعی برلیکده آلدی ، قونییه یی ترکله اوتارینخلرده مصر



مملوککری اداره سنده بولنان سوریہ طریقیلہ مصرہ انتجا ایتدی .  
یولی اوزرنده قدس شریفه اوغرا دی . مسجد اقصائی  
زیارت ایتدی . قاهره و صولنده سلطان قایتابی بر عثمانلی  
شہزادہ سنہ لایق احترامات ایله مسافر ملتجی قبول ایتدی ؛  
حقنہ رعایتلر ابدانده قصور کو سترمدی .

سکزیوز یتیمش آلتی رمضانئی مصرده کچیردی . عید  
فطردن صوکره عائله سی ایله توابعی مصر سلطانی نزدنده براقوب  
یالکزجه حجه کیتدی . محمدیلرک قبله گاه عباداتی اولان کعبه  
معظمه یی طوافله عرفانده ، نیجه بیکلرله دینداشلرک اوازہ  
تکبیرلری آرمسندہ ، قوه قاهره الوهیت قارشیسندہ باش آچیق  
عرض مناجات وحاجات ایله یرک رعشه دار مغویات اولدی .

مناسک حجی عیدالنحر ایله اکلدن صوکرده مدینه  
منوره یه کیتدی . اوراده مرقد مبجل نبی ک کعب شفاعتنه  
یوز سوردی .

شہزاده جم حجن عودتندہ مصرده عائله سی آراسندہ  
یاشامغی نزاع سلطنتله اوغراشمغه ترجیح ایدر کورونیور  
ایدی . تبرزده آق قیونلی پادشاهی اوزون حسنک نزدنده ایکن  
فاتح اوغللری آرمسنه کیرن مجادلہ سلطنتی خبر آلمجه اسکی  
مملکتنه جان آتان قره مان زاده قاسم بک ایله فاتح زمانسندہ  
یکدیچری آغاسی ایکن آنقره والیاکیله استانبولدن تبعید ایدیلن  
محمود بک کی اونکله همفکر ومقصد بعض رجال عثمانیه نک  
مصرانه مراجعت والحاظرلی شہزاده یی میدان رقابتده قلمچینک

طالغنی برداھادنہ مکہ چکوب کتور مشدر۔ مصر مملوکلرینک حین حاجتدہ اوکا وعد معاونتدہ بولملری دہ بوتشباتک سائقلرندن بریدر۔

جم ، عائله سنی قاہرہ دہ براقوب ( ۶ مایس سنہ ۱۴۸۲ ) سوریه وحلب طریقہ آطنہ اوزرندن قرہ مانہ کیردی . تبریزدن کلن قاسم بک تشویقاتیہ بوتون قرہ مانیلر سلاح عصیانہ صارلمشلر ایدی . سوکیلی شہزادہ لرینک وصولیہ شوق عصیانلری برقات دہا آرتدی . یکیشہر بوزغونلغندن بری ایکی سنہ کچمش ایدی . بومدت ظرفندہ پادشاھک نفوذ حکومتی مملکتک ہریرندہ تأیدہ یوز طوتمش اولدیغندن شہزادہ نک بوایکینجی تشبثندہ - بروسہ نک قایلیرینی اوکا آجان حملہ اولایہ قیاساً - موفقیتی پک دہ مأمول دکلدی .

فاتح زمانی محارباتنک یتشددیردیکی ارکان عسکریدہ دن ایتالیانک آدریاتیق دکزی ساحلندہ بولونان « اوترانت » فاتحی کدک احمد پاشا کی تجارب وملکات عسکریدہ سی ، یکیچری اوزرندہ کی حکم نافذیہ مؤید برسر دار صاحب ظفرک ، ایکینجی سلطان بایزید طرفندن ، - وقیلہ اوکا اولان کوسکونلکنی ایشنی کوردیرمک ایچون اونودور کورونوب - جم غائلہ سنی یوق ایتمکہ طوپلانان اوردینک باشندہ بولوندرلماسی دہ موفقیت مأمولہ نی کوچلمشدرن اسبابدن بری ایدی !

مسلککنندہ کی مہارتیلہ جم عسکرینک قوہ صولت ورسانتی آرتدیران محمود بکک آنقرہ دہ براقیدینی عائله سنی قالدیروب



قورتارمق ایچون عسکرلکنه مخصوص برجرات و سرعتله  
 بر قوۋه قلیله باشنده آنقره یه طوغری ایلغار ایتیمی پادشاه  
 اور دیسندن رهگذار عزیمته چیتان بر مفرزه النده اتلافی  
 انتاج ایتدیکندن جات قوۋه تسلطی صار صیلدی . قاسم بکله  
 طاش ایلی طرفلرینه چکیلیمک مجبوری باش کوستردی .  
 سلطان بایزید حضور و آسودکی تعجب جداله مرجح طوتمق  
 بر ادیلشده ایدی . اوغراشمقدن زیاده ایشی صالح ایله  
 پاشدیرمق ایستدی . قره مان ارکلیسده شهزادنگ معتمدلرندن  
 مابینجیسی سنان بک بایزیدک آدم لریله مذاکره کیریشدی .  
 شهزاده جات . آناطولینک اوکا ترکیله مقاسمه ممالک  
 حقنده کی تکلیفی بودفعده پادشاه طرفندن قرین اسعاف  
 کوروله میور ؛ « تحت سلطنت بر نشانلی قیزه بکزر . ایکی ارککه بردن  
 تنکیح و تزویجنه جراز اوله ماز . » جواب ملزمی ایله رد  
 تکلیف اولونیور ایدی . فقط بوکا مقابلده شهزاده عائله سیله  
 قدسه چکیلوب اوراده اختیار اقامتی قبولی شرطیله سنه ده  
 ایکی یوز بیک ذوقه آلتونی مخصصات اعطاسنه موافقت  
 ایدیله جکی . سرای ایچ اوغلانلرندن افراز ایدیله جک  
 یکرمی منتخب اوشاغک خدمتنه تعیینی ایله ده وقع و شرفنه  
 لایق دبدبه وحشمد بولینیله جعی ، قوجه سکبان باشی دلاتیله  
 وعد ایدیلیور ایدی . جم ، علوجناب شهریارانه یه طوقونان  
 بو آلیش ویریشی « بر شهزاده یه کرکن پاره دکل ، بر ملک  
 و سلطنتدر ! » دی یه هایقیره رق ردواستحقار ایتشد .

حالبو کہ قرماندہ تزلزلہ اوغرایان مکنت صولت و مقاومتی  
 آوردی ہایونک قونیہ ی محاصرہ دن قورتارمسیلہ داہاچوق  
 انحلالہ یوزطوتدیغندن شہزادہ نک قاسم بکہ ایچ ایانک صعب المرور  
 طاغلرینہ صیغنمقدن باشقہ چارہ سی قالمادی .

اویرلردہ بارینمقلغک کو چلیکی ا کلاشلدیغندن قرمان زادہ نک  
 تکلیف و تنسیبیلہ ایچ ایلی سواحلنہ یقین اولان ردوس  
 شووالیہ لرینہ - حریت شخصیہ سنہ رعایت اولونمق قید و شرطیلہ -  
 مراجعتہ مجبور اولدی .

\*  
\* \*

شووالیہ رئیس « دابؤسون » فاتح زادہ نک مراجعتی  
 جانہ منت بیلمش ایدی . ایشدہ بر عثمانلی شہزادہ سنہ ماجالک  
 ایتک شرف و اغترار منویندن آرتق عثمانلی سلاح سطوتنہ  
 قارشی شووالیہ اوجاغنک ادامہ موجودیتی تأمین ایدہ بیلمک  
 منفعت مادیہ سنک بولونماسی دابؤسونی ہر دورلو مأمولک  
 فوقندہ مستغرق سرور ایدیور ایدی .

شووالیہ رئیس طرفندن شہزادہ جمک اونلر نزدندہ قالدقچہ  
 حریت شخصیہ سنک ہر دورلو تعرضدن مصون قالہ جنی حقندہ  
 یازیلان عہد و میثاق نامہ نک ورودی اوزرینہ عقبگیرلری  
 سواریلرک کیتدکچہ دائرہ احاطہ لرینک طارلاشمہ سندن آرتوب  
 یاقلاشان تہلکہ آلتندہ برخلجان ایلہ ، اماقورقاق برخلجان ایلہ  
 دکل ، فطرتک مویہ جلا دندن نصیبہ دار اولان علوی رادیالیشلی  
 قہرمانلرک مخصوصاتندن اولہ رق انجام مقدراتنہ برمتانت بی پروا

ایله کوکس کرن . باش طوتان . برخاجان ایله گوندردیکی  
ایاچینک عودتی کوزله یین شهزاده . حریت شخصییه میثاقنامه سی  
اوکاتودیع ایچون بولوندیغی ساحه یاناشان رودوس یلکینلکینه  
جان آتارق دکزه آچیلدی .

خرافات یونان ده توروا محاصره مشهورده سی قهرمانلردن  
اولیسک اوغلی تلاق نوازش دلفریبانه سنک تازه لکه مخصوص برحجاب  
طفیلانه ایله ، اسیردلوواهی اولدیغی برملیکه اساطیریهدن ، اونک  
آطه سندن کوزی آرقه ده قاله رق آیریش ، راکب اولدیغی سفینه  
سراجامی آتا یوردیغی آریوب بولمق قایغوسیه انکین دیکیزک  
یوتاغان طالغهرینه صالوب کیتمش ایدی .

شهزاده جم بوسراجام خیله لویا برحقیه . مثالی یاپازگی  
بابا اوجاغنی بلکه برکون دونوب نااهل اللردن قورتازمق  
سوداسیله ، اوکاتامین حریت افعال وعدنده بولنان ، برشوالیه اطمینه  
طوغری ایاق اته بیلدیگی برسفینه سلامتی انکینلره صالیورایدی .  
ظاهرده بوشووالیه غاری برسفینه سلامت کوروغورایدی .  
فقط شهزاده نك استقبالی ایچون اونک صوده یوزر برسجن  
ملامت اولدیغنی بوخلاصی تعقیب ایدن دوره اسارت کوسترز .  
شهزاده یی آناطولینک قرمان ساحلندن قاچیران یلکینلینک  
رودوس آطه سه مواصلتمده بتون شوالیه ارکانی ساحله شتاب  
ایله ملتجی مکرمی عثمانی خاندانی شرفه لایق راستقبال واعزاز  
ایله قبول ایتدیلر . اوهممان نجیبی ، اقامته تهیه وتخصیص ایتمش  
اولدقلری قوناغه مسافر ایتدیلر .



شہزادہ بی شووالیہ لڑک قرون وسطی اعتیاد اتندن منتقل  
مبارزات جنگاورانہ نمونہ لریلہ ، اویونلریلہ مواصلتی کونلرندہ  
اکلنڈیرمڑک ذاتاً شرق تۆردسندن بولونان بہادرلقده داھا کیج  
باشندہ شہرت قازانمش اومهمان اصیلہ موفقیتسزلیکک آرتدیردیغی  
عربتزدہ ددک آجیلرینی اونوتدیرمغه چالیشدیلر .

شہزادہ بی آووتان بواکلنجهلر ، شندکلر ایچندہ رودوس  
شووالیہ طریقتی رئیس دابؤسسون ال آلتندن پادشاہ آدملریلہ  
مخبردلدن ، مکالمہ لردن کری طورمایور ایدی . سنہدہ قرق  
بش بیک دوقہ آلتونی تضمینات مطردہ ویرلک ، شووالیہ لره  
عائد تجارت کیملرینہ عثمانلی لیمانلرندہ برچوق مساعدات بخش  
ایدلک شرطیلہ جمک مادام الحیات شووالیہ لرنلدہ قید اسارتلہ  
ایقونمسی ، سلطان بایزید ایلہ شووالیہ اوجاغی اراسندہ کی  
مخبردلرک ، مکالمہ لڑک نتیجہ سی اولدی . لازم کلن معاہدہ لر ،  
طبیعی ایلات تقییطک تسویہ سیلہ ، امضا وتعاطی قیلندی .

دابؤسسون سالک ومعتمد بولندیغی قتولیک مذہبی نامنہ  
ویردیکی یمینی بویلہ کیزلیجہ صاتوب نقض ایلہ دی . بوبی عارانه  
نقض عہد قرون وسطی شووالیہ لری نزدندہ « سوزینک اری  
اولق » تعاملی خصلت برکزیدہ نک آرتق اسکی جدیتندن ،  
قوتندن دوشمش اولدیغنی عالم نظرندہ تحقیق ایدن بر فعل  
خندانہ ایدی .

جنگ اری اولدیغی قدر کلیسا اری اولہ میان بو راہب  
طوتملی عسکر عہد بوزانلغینی شہزادہ جہم ، ولو آلیشقیقلق

سائقه سیاه اولسون، اعتراف ایدہ جک عزت نفسدن هنوز تمامیلہ  
تغری ایدہ مامسندن اولمیدرکہ شہزادہ آچقندن سویلہ مکہ  
اوتاندی .

اونک رودوسده قالمسی پادشاہک نظارت یقینہ سی ایلہ  
دونمای هایونک تضیق تمادیسی التمدہ بولمق تہلکہ لرینی حائر  
اولمسندن ، کندیسى اوروپا مالک غربیہ سنہ کیدہ جک اولورسہ  
پاپاک دہ مظاهرت معنویہ سیلہ باشنہ کچہ جکی - المانیہ ، ایتالیا  
ومجارستاندن تشکل ایدہ جک - بر استخلاص اوردیسنک قوۃ  
معاونتیلہ روم ایلیہ تخطی ایدیلہ رک پدرینک تحت موروثنہ  
تصدر آمل ومقاصدینک بوصورتلہ مظهر تسمیلات اولہ جغندن  
بحثلرلہ اونک کیزلیجہ ونیدیک کوندرلمسی ضرورت حکمنی  
آلدیغنه شہزادہ بی اقناعہ موفق اولدی .

۱۵۸۲ سنہ میلادیہ سی ایلونک برنجی کونہ تصادف ایدن  
۱۷ رجب ۸۸۷ سنہ ہجریہ سنہ معتمد وحریمی اولان برادرینہ  
شہزادہ نک محافظہ سی ، کینک ادارہ سی تودیع ایتدی . رودوس  
شووالیہ کیسی عثمانی شہزادہ سی آلدی ؛ آق دکنز انگلنلرینہ  
طوغری یلکن آجدی .

دابؤسون ، اوکا سنہ ۴۵ بیک دوقہ آلتونی واردات  
تأمین ایدن بوقیمتلی اسیری کم نظرلردن صاقلامق ایستردی .  
اونک یبانیچیلر انہ دوشمنی قادار برعثمانی حرب سفینہ سی ید  
اغتصابنہ دوشمنسندن دہ قورقیور ایدی . بوجہتلہ کینک ایزینی  
غائب ایتدیرمک اقتضا ایدیور ایدی . قرنداشی « بلانش -

فور « آدی شووالیہنک امری التندہ کی » غار « شہزادہ بی رودوسدن چیقارقدن صکرہ ہان انکینہ یول آلمادی ؛ جزایر بحر سفیددن بر کوچک اطہدہ کمی نی ( غار ) بیک بہانہ ایلہ تیمورلہ یہرک اورادہ بر آئی قادار اختفا ایتدی ؛ ایزی متجسس نظرلردن غائب ایتدیردی . نہایت حملہ سی « یوکدہ خفیف ، بہادہ آغیر اولان » یلکسلی یہ سجلیا یہ طوغری یول ویردی . مسینا طرفندن کچرکن اوزاقدن کورلمکدہ اولان « ئتنا » یانار طاغنک برکانی فوارہ لری ، آلہولری - عمرندہ ایلک کوردیکی علایم طبعیہ بولمق جہتیلہ - شہزادہنک نظر حیرت واستغرابی جلب ایدیوردی . ییانچی کیلر طرفندن کوریلوب یقالانماق ، اونلرجه پک قیمتلی اولان اصالتلی اسیری الدن قاجیرمامق قایغوریلہ اثنای سفردہ پک احتیاطلی بولنیورلر ، ہرشیئہ کوز قولاق اولویورلر ایدی .

الئی ہفتہ سورن بوکیزی ، بوقاچاق سیاحتدن صوکرہ نیس لیمانہ واصل اولہ بیلدیلر ( ۴ رمضان سنہ ۸۸۷ )

شہزادہ دوستقلرینہ آلداندیغی ، احتراملرینہ قاپیلدیغی رودوس شووالیہلرینک صحابی آلتندہ سیر ایتیش اولدیغی سجلیا دکیزی اوکا خاطرلاتان نیس ساحللرینک ، براق برسمانک لطف منظرہ سندن ذوق آلیور ؛ تعب سیاحتی ، آلام نکبتی بیاغی اونوتیور ایدی . بواحتساسات آلتندہ لسان ادب ونزاہتدن صادر اولان نشیدہلر غربہ طوغری یاقلاشدقہ آردندہ قالہرق اوندن اوزاقلانسان معزز وطنک خاطرات



دلفریب و دلگیری ایله مشبوعدر .

کینک نیس لیمانده تیمورله یوب قالمسی کونلری اوزادجقه شهزاده نك کوکلی اوزولمکه باشلادی . روم ایلی حدودلرینه یاقلاشدیرمحق ، محارطویراغنه برکون اول آیق اتمه نی تسهیل ایدمک اولان «وندیک» شهرینه اونی آرتق آلوب کتورمه لرینی شوالیه امر ایتمک ایسته یوردی .

شهزاده نك محافظی «بلانش - فور» نیس بلده سی فرانسه طویراغنده بولندیغندن قرالک امری استحصال ایدلمدجکه اورادن حرکت امکانسزلغنی اتیان ایله شهزاده یی آوومقدمه دوامه چالیشیور ایدی . شوالیه لرك مقصدی سلطان جمی وندیکه یاخود محارستانه کوتورمک دکل ، اونی اللرنده صاقلامق ایدی . بو اغفالته جدیت رنکی ویرمک ایچونده شهزاده نك الك معتبر آدمی اولان ، عرفان وکیاستیله طانیلان خطیب زاده نصوح چایی قرالک مساعده سی آلمق مأموریتیله کویا پارسه کوتوریله . جمک ایش کی برقاج شوالیه رفاقتیله یوله چیقاردیلر . جمک آدمه نیدن اوج دورت قوناق اوزاقلاشدیغنده یولنی ، ایزینی غائب ایتدیرمک اونلرجه کوچ برایش دکل ایدی . زواللی جم کوندریکی ایلچینک عودتی برانتظاریهودله دورت آی بکله دی . اوکونلرده نیس جوارنده صالحین بروبا خسته لنگک ظهوری بلانش فور ایچون حرز جان ایدیله جمک بروسیله تشکیل ایتدی . شهزاده یی خسته لقدن صیانت ایله نیدن قالدیردیلر . طلملق برمنطقه اولان ساووا جهتلرنده ( بوکون فرانسه نك

« شرقی آلپ » ایالتک بولندیغی قطعہ در ) « بؤرہ » طاغلرندہ  
 طار بوغازدہ بنا ایدلمش « روسییون » حصارینہ کوتوردیلرکہ  
 بوراسی دہ حضرت یحیایہ نزر نفس ووقف حیات ایدن قدس  
 شووالیہلرینک مناسترلرندن بری ایدی . یالچین قیالرہ یاپیشیق  
 بردیوار کبی کوریلن برطاغ اتکیندہ بنا اولمش قرون وسطا  
 آثارندن بولنان بو عصر دیدہ « دونثرون » اصلتی ملتجی یہ سجن  
 اغتراب اولمق اوزرہ انتخاب ایدلمش ایدی . عاقبت بو وحشت  
 آبادہ اتیلنجہ شووالیہلر اندہ اسیر اولدیغی بیک درلویا کارانہ  
 معاملہلرہ ، ظاہری احتراملرہ رغماً ، شہزادہک نظرندہ  
 صاقلامق کوچ اولویور ایدی .

شہزادہک « روسییون » شاتوسنہ یکی نقل اولوندیغی  
 زمانلر اطرافدہ کی کویلیلر همان ہر کون حصارک پنجرہلری  
 آلتہ سوری سوری قوشیورلر ؛ قدس شووالیہلرینک اسیر  
 ومسافری بولنان تورکلرک ایمپراطورینی (اونلرک تعبیرنجہ ) پنجرہ  
 اوکنہ کلدنکہ متجسسانہ نظرلرلہ تماشایدییورلر ایدی .  
 فاتحک اوتوز بش سنہ اول قسطنطنیہی فتح ایتہسی تورک  
 آدینی بومملکتلرہ قادار ایریشدیرمش ؛ اونلرک نام وشہرتی  
 کویلیلر آراسنہ یاییلمش ایدی .

بوتاریخلردہ فرانسه قرالی اون برنجی لووی وفات ایتیش  
 یرینہ اوغلی سکیزنجی شارل فراتق اکیل حاکمانہ سنی ، ہنوز  
 اون اوچ یاشندہ بر صبیؑ مراہق ایکن ، سرطفولیت واقبالنہ  
 کیمش ایدی . یکی قرالک تبریک جلوسی مراسمندن ایاتنہ عودتدہ

روسیه بیون شاتوسنه مسافر اولان ساووادو قه سی ساطان جم ایله  
 کوروشش در. دو قه هنوز اون درت یاشنده اولمقه برابر عرقی نجابت  
 وفر استک اونده او یاندیردینی حسیات رقیقه سوقیله برخاندان مفتح  
 اولاد کرانیدن بولونان بونجابتلی اسیرک عسکر قیافتلی رهبانلر انده  
 آزرده قالماسی مصائبه صمیمی اشتراک ایتمش، کرسی ایالتنه  
 معاودتنده شهزاده نك اسارتدن تخلصنه المدن کلن معاوتی  
 دریغ ایتمه یه جکی وعدنده بولونمشدر. صباحت سیاسی پرتو  
 نجابتله مطرا اولان بونصرانی پرنس شهزاده عثمانی نك اسارت  
 واغتراب ایله رنجیده کوکنی تفریح ایتمش؛ جم اوکا قارشی  
 طویدینی مودت ورعایتک بر تحفه بهادرانه سی اولمق اوزره تیموری  
 آلتون ایشلمه لی، قبضه سی مرصع دمشق برقلینجی پرنسه ویرمشدر.  
 شهزاده ایله پرنس آراسنده حصوله کلن بوموالات بلانش  
 فورک خوشنه کیتمکدن ایراق ایدی. بالعکس بومناسباتک  
 اولره مضر اوله بیلیمک احتمالندن تحاشی به باشلادی. شوو الیه لک  
 خصصت رجولانه سندن زیاده رهبانلق درین دوشونجه لرینه  
 اسنادی داها طوغری اولان بر قید احتیاط ایله شوو الیه لر  
 جمی اوشاهقه جبالک آغوشنده کی سجن مصائبدن قوپاروب  
 آلدیلر. ایچنه آتدقلری برنهر کمینسی «ایزر» صویندن -  
 کویلره قصبه لره اوغرامقدن اجتناب ایله یوز دیردک اسویچره  
 طاغلرندن نبعان ایله فرانسه نك بورغونیا ایالتی صولایان،  
 ایپکلی قماش معمولاتیله شرق و غربک بازار دادوستدنده ده  
 اوزمانلرده شهرت بولان لیون بندر تجارتنه مناقله خدمتی ایفا



ایلہ « مارسلیا » لیماندہ آق دکڑہ آقان - « رون » نہرینہ  
 چکور دیلر . بورادن « لانغ دوق » آیلتنده « ولہی » طوپراغندہ  
 پک سیرک انسان آیاغی باصہ بیلمش بر قیا باغرنده کی - آدی  
 بیلہ اونودلمش - بر ہجر احصارہ بیچارہ شہزادہ بی طیق دیلر ؛  
 اوئی سنہ لرجہ اورادہ محبوس براقدیلر .

شہزادہ بوسجن مصائبہ کونلرینی اولدیررکن پادشاہک  
 محب بی عاری « دابؤسون » ساووا دوقہ سنک اوئی ابدی  
 محافظہ لرندن قورتارمق حقندہ کی تشبہات ومظاہراتندن سلطان  
 بایزیدی خبردار ایدیور ؛ فقط بوندن قلب حلیم شاہانہ لرینک  
 ذرہ جہ بیلہ رنجیدہ اولماسی ایچون بوتشبی عقیم براقہ جق  
 تدابیرک اتخاندہ قصور ایدیلیوب اسیرلرینک انسان اوغراغی  
 اولمایان بریرہ قالدیرلدیغی تأمیناتی دہ علاوہ یہ شتاب ایلہ یورایدی .  
 بومعروضات وتأمینات محظوظیت شہریاری بی استلزام ایلہ کنیسا  
 اربابینک « رولیک » نامیلہ تجیل ایدہ کلدکلری برطاقم نادیدہ  
 تصاویر مذہبہ ایلہ برادرینک زندان بکجیسی دیمک اولان  
 شووالیہ رئیسینی مستغرق التفاتی قیلہ غہ رغبت شاہانہ لری دریغ  
 بویرولمایور ایدی .

نصوح چلبینک ناصلسہ بریوانی بولہ رق فرانسه قرالی  
 سکنزنجی شارلہ مراجعتلہ شہزادہ حقندہ روا کوریلن اذا  
 وجفادن اوئی خبردار ایتسندن اولہ جق کہ قرال بر آرہ لق  
 شہزادہ نک استخلاصی تشبہ لرینہ قالقیشدی . بوتشبدن شوالیہ لر  
 اورک دیلر . دہا امنیتلی بریر اولق اوزرہ اسیرلرینی ساووا

ایله فرانسه سرحدلرینک نقطه تلاحقنه دوشن « صاسوناژ »  
 شاتونه نقل ایتدیلر . بر طرفدن تضیق کورنجه بو رهن  
 شهانه یی بولندقلری طوپراقدن اوته کنه نقلده کی سهوات  
 حدود بوینده کی بوشاتونک انتخابنه سبب اولمشدی . « صاسوناژ »  
 شاتونسک بد بخت شهزاده نک تهوین آلامنه یاردم ایده جک  
 بر جای داستان محبت اولدینی تاریخاره کچمشدر . شهزاده  
 هنوز انسانلرک کوکل اوزونتیسنی عشق وسودا ده اونو تمق ،  
 یاخود برنش ط سودا ایله داعیه اقبالده کی موفقیتسز سکک تلافیسنی  
 آرامق استعدادنده بولندینی چاغلرده ای . باباسنک قاینق  
 قانی دامارلرنده جولان ایدیور ، بومد خروشان رخلرینه  
 آتشین بر رنگ ویریور ایدی . کوزل کوزلرینک طالغین  
 اولدینی قادار بهارانه اولان نقیشلرینک روحلاندیردینی سیما  
 نجیبی ، لوندانه وشاهانه اندام و رفتاری نظرلره چارپار ، اونظرلری  
 اوکا منجذب ایدر ایدی . فلکزددلک اونک چهره اصیلی  
 اوزرنده برطل ملال برافش ، بوطل الم کوکلری اوکا انجذابه  
 قوشدیران بر صباحت دیکر بخش ایتمش ایدی .

بوکنج ، بولوند مشرب ، بوشاعر طینت شهزاده یی عثمانلی  
 تختندن - اشعه اجلالی ایله شرقی روما کرسی مفاخرینک  
 پرتو اقبالی برانخساف کلییه اوغراتان عثمانلی تختندن - چکوب  
 قوپاروب « دوفینه » ایللرنده صحنه حیات اقوامدن سیلنوب  
 اوزاقلاشمغه باشلامش اولان قیرون وسطی یقینتیلرندن قالمه  
 بر حصار اسکیسنه آتان مقدرات و سرانجامک درشتی بی رحمانه سی

یرادیلشك اوکا باغشلا دینی بیوکلکی تعالیدن تعالی یه چیقاریور  
ایدی .

رودوس شوالیهلرینک امیرلرینی ید امانته تودیع ایتدکلری  
« صاسوناژ » شاتوسی سینیورینک قیزی بولنان « فیلمین » ک  
هرکسدن زیاده بو معالی طبیعت ، بومحاسن نسب نظر تقدیر  
وانجذابندن دور اوله مایور ایدی .

قیزک ناصیه شهابنده استاد فطرتک ناقابل تقلید برمه هارتله  
رسم ایتدیکی خطوط ملاحه ، طور و رفقارنده او یرلرک عوام  
خلقمندن متمایز بر اثر نجابت انظار تقدیره چارقمقده ایدی .

شەزادەنک حصول استراحتنی تأمین ، امرلرینک اجرا آتته  
نظارت ایچون هرکون حضورینه چیقمنی وجائب مهمان نوازیدن  
کورن بو دلربا اصیلزاده جمک کوکلنده یواش یواش یرلەشن  
و فقط ضبطی قابل اوله میان برتمایل وجوده کتورمکه باشلادی .  
بوتمایل ابتدالرنه عادی برکوکل آووتماسی کی کورونورکن  
کیت کیده اشتغالات حیاتک اک باشلیجه لری صیره سنه کچن  
برمفتونیت صحیحیه منقلب اولمش ایدی .

« چشمان سیه مستنه افتاه کوکلدر ؛

برولرینک ده هدفی سینۀ کلدر ،



« اولدی غنجه یوزینه زلفک نقاب ؛

صان نهان اولدی بولنده افتاب ! »



کبی مداح و تقدیرات شہزادہ نک ، بوماجرای عشقی کنندی  
لسانیلہ اخلاقہ خبر ویرن ، آثار شاعرانہ سندنر .

یاوری طالع ایلہ پادشاہانہ کلنجه خرسیان محبہ مقبلہ سنی  
عثمانی تختک کعب اقبالنہ ایریشدیرمک ایمالرندن اولسون ،  
کیزلیجه بر ازدوج وعدندن اولسون ، قیزینک بومعاشقہ سنہ  
شاتوسینیوری کوز یومش ؛ ایشته بو حیات عاشقانه شہزادہ نک  
سنہ لرجہ سورن ادبار وفلاکت طالعندہ بر نجم سعادت اولمشدر .  
دوفینہ ایاتی « راویان اخبارینک کشیدہ سلاک سطور »  
ایلدکلی حکایات و داستانہ باقیمتہ بومعاشقہ سجنک شاہد  
سوداسی اولہرق براوغلان چوجنک طوغدیغہ ، کوزل  
فیلپینک بو چوجنی ظاہرہ برکنج ایچ اوغلانی کیی بویوتوب  
ارکنلکندہ کشی زادہ متعلقاتندن بر قیزلہ تزویج ایتدیکنہ ،  
بونلرک معمر اولدیغہ حکم ایتک لازم کلور .

جک بو آوان حیات سودا کارانہدہ حافظ شیرازی بی تقلید  
ایلہ اواسلوبدہ عشق ایلہ فلسفہ مزوج فارسی غزللر سویلدیکی  
مشہوردر .

فیلپینک تسہیلاتنہ مظهر اولہرق جک بوشاتودن فرار  
تشیتمدہ بونمدینی اورالرجہ متواتردر . کویا برایپہ باغلی اولہرق  
پرنسک حصاردن فرانسه بہ فرار تصدیسیلہ خندقہ ایتدیکی اثنادہ  
یقوالانوب بوفرارده شریک تہمت جزاسیلہ فیلپین ،  
« بن وداع ایلرکن اولدی زہر قاتلن بتر ؛  
بوسہ ویرمکدہ دہان سکر افشانک سنک ! »

کيبي تظلمات سودا پرستانه نك تقدير ايتديكي آجیلری یاده  
کتورتەجك بردرشتی بی رحمانه ایله عاشقی ، افندیسی آغوش  
رحمندن قوپارلمشدر .

بوافراقدن صوکره رون صوی ساحلارینك هجرا بر  
شاتوسی ، بشنچی دفعه تبدیل موقع ایتك اوزره ، پرنسه  
منفا تعیین اولندی . به حالدە بیله سودا کیزلی وپك سیرك  
مخابرات ایله ایکی کوکلی اراده برلشدیرمکه ییل بوله بیلیمور  
ایدی . جهم ایله حصار کوزلی آراسنده تعاطی ایدیان محبت  
نامه لردن بعض پارچه لرشرق محزن اوراقدە الان موجودایمش .  
بوایام مصائبك آنحق ایکی سنه سنده شهرزاده نك الام اسارتی  
اونو بدره بیان ، هج ان وطنه تسلیت بخش اولان دوره سودا  
ایشته بویله آجیقلی بر عاتله نهایت بولمشدر .

دابؤسسون شهرزاده نك ایزی ، اونی قورتارمق نیت  
وتشبنده بولنان پرنسلك تضییقاتنه قارشى ، یوق ایتك ایچون  
بچاره اسیری شوواله لره عائد شاتودن شاتویه نقل ایتك تدبیرینه  
مراجعت ایتمش ایدی .

یوزوکلر حیاتی آندیران بوسر سریانه اسارتده اوچ سنه  
سوردی . عاقبت شهرزاده نك فرانسه ده « لیموزدن » ایالتنده  
دابؤسسونك عاتله مالکانه سی اولان « بورغونو » حصارنده  
کلید آلتنده طوتناسی چاره یکانه کورلدى . بوشاتو شووالیه نك  
همشیره سی اقامتگاهى اولمشندن اونلرجه الك امین برمحبس اوله رق  
انتخاب ایدلمش ایدی .

مورخ سعدالدینك شهزاده رفقای اغترابندن بربندهسی  
 افادانه عطفاً اید روایتنه کوره یوکسک برقیانك باغرنده بنا  
 ایدلمش درت جبههلی بو قله سکز قات ایدی . دوردنجی قات  
 شهزادەنك اقامتنه تخصیص ایدلمش ؛ دیگر قاتلاره خواص  
 تدماسی و بندکانی ایله محافظلری اولان شوالیهلر یرلشدیرلمش  
 ایدی . بوراده کوکلینك یاره لرینی ، مرارت اسارته انضمام  
 ایدن آلام سودا پرستیسنی تاینن ایله یین فیلپین مکتوبلارندن ده  
 محروم براقیلور ایدی .

ایام اغترابده اوکا برقاچ سنه ندیمه روح ، حریمه حیات  
 اولمش اولان کوزل دوفینهلی بی کاه :

« دریغ درهوس این عمر بیوفا بگذشت ! »

مکرکه باد هوا بود ، درهوا بگذشت ! »

کیبی حکیمانه ومتوکلانه ، کاه :

« که می گذشت ، که بوی بهار می آید ؛

زلاله زار مکر کلعدار می آید ! »

کیبی شوخانه و قلندر مشربانه نوحات و تظلمات ایله دل  
 آزرده سینك پری دلووازی اوله رق صاقلار کیدر ایدی .

« اول دم قنی که کعبه کویك مکان ایدی

آرامگاهی کوکلیمك اول آستان ایدی

اول دم قنی که مسکن ایدی ایشکک جمه

حیفاکه کچدی بیلمدك اول خوش زمان ایدی »

ترانه حزن آلودیله اندن قاچیردینی دلووازك دلفکارلغدن



تخليص نفس ايده مديکني اشراپ ايدر طورر ایدی .  
 کون کچدکجه آرتان بواضطراب اونی ، بریوانی بوله بیلوب  
 سجن بلادن قورتلوق تشبثاته مراجعته بيله سائق اولویور  
 ایدی . معتمدلرندن حسن بك بو حصارك طیش دیوارینی آشمق  
 یولینی بولدی . بور بونیا برنسنه افندیسنك اسارتده چکدکلرینی  
 اکلاتهرق تخلیصنه یاردیم ایده چک ایزلری اوکا تشریح  
 وتفصیل ایتدی .

روسییون شاتوسنده وقتيله طاغیدیلن آدملرندن جلال  
 بك بوتون آلمانیا پرنسلی دائرلرینی طولاشهرق ولی النعمتک  
 تخلیصنه برسعی یهود ایله چالیشمش ایدی . اومدیغی نتیجه یی  
 الده ایدمه نیجه « بورغ نو » شاتوسنی آرادی ، بولدی . کوکلینک  
 رضاسیله افندیسنك آلام اسارتیه اشتراکی جانه منت بیلدی .  
 اوکا نیجه سنه در اراق دوشدیکی عالمدن حوادلر کتیرمش ،  
 تسلیت بخش اوله جق سوزلر ایله شهرزاده یی ، ولو آنی اولسون  
 محظوظ ایده بیلمش ایدی . بوتسلیلرندن باشلیجه سی فرانسه  
 قرالی ایله حجارقرالینک ، برده پاپانک برتعویض مقابلنده شهرزاده یی  
 قید اسارتدن قورتارمغه چالشدقلری خبری ایدی .

دابؤسسون بوصاحب نفوذ طالبلری وعدلرله اویاله یور ؛  
 برقیمت ممتازده یی حازر بولونان دست غدرنده کی رهن شاهانه نك  
 اطلاق ایچون تعویض مقدارینی آرتدیردجه آرتدیریور ایدی .  
 عزت نفسدن نصیبی اولمایان بدبختلر تزدند . « ایش بجرمك »  
 یاخود « چوق بیلیمك » تعبیرلری ایله توصیف وتقدیر ایدیله

کلن ناکسانه افعال و تشبیدن صیقلمایان شو و الیه اجنبی سرایلرنده متاعینک رواجنی آرتدیرمغه چالشدیغی کیبی شهزاده نك ناصلسه الدمه ایده بیلدیکی خاتمی ایله توشیح ایدلمش ساخته نامه لر ترتیبینه قدر بجرکلیکی ایلری یه سورمش، اونك اطلاق اوغورنده صرف ایدیله چکی بیلدیریلن بومکتوبلرله قاهره ده کی والدیه سیله زوجیه سی سلطانلری اغفال ورقتلرینی جاب ایلده برحق پاره چکیور ایدی !

بوتون عالمی اغفال ایدن بومتنزلانه مهارت لر جمله سندن اوله رق سلطان جهك اوکا اعتماد و توجهنی قارانغی ده اونو تهادی. شهزاده اجنبی پرنساریله کیریشدیکی مذاکره لر نتیجه سنده شاید استرداد حریت ایدنجه داعیه رقابتیه میدان مجادله یه یکیدن آتیله بیلمه سندن اورکهرک تشریف ایده بیله چکی سریر سلطنت عثمانیه ده کوکلنده باغلادیغی کین سوقیه اوکا اوره جنی سه له تأدیب دده یقاسنی قور تارمق چاره لرینه باش اورمق احتیاطکاراغنده بولونیور ایدی .

جهك مبادی انبارنده رود و سده آلیقونش آنملرندن قپوجی باشیسی سنان بك ایله آياس بکی قید اسارتدن اطلاق ایله « بورغ نو » شاتوسنه ولی النعمت لری زردینه کوندرمش، بو خدعه یه کویا برحبه ریت سیاسیه ایله النده صاقلادیغی شهزاده حقه ده کوکلی صمیمی حرمتلر، پدرانه شفقتلرله مالی اولدیغی کوسترمکه چالیش شد .

رودوس شو و الیه اوجاغیله فرانسه سرای قرالیسی

آراسنده شهرزاده جمك اطلاقه دائر مذاكره لره ، مقاوله لره  
 كيريشيلديكني خبر آلان سلطان بايزيد ثانی يه كانجه ، فاتح زمانده  
 اله كچوب خزينه هاهنه آينمش كنيسا « روليك » لردن  
 بعضی تصاویر نصرانيه نك - بولونديغی موقع اعتلاي ذی شرفه  
 بك ده ياقيشيق آماز بر صورتده - تقديمه ، قراله جميله لر كوسترمك  
 ايسته مش ایدی . اهل صلييلرك « بيزانس » آثار معمورتي  
 ايله تفارق معززه كنيسائيه سنی ياغمايه بويولدقلى زمان  
 دكر ليدر ذهبنده بولندقلى بو تصاویرك - بر چوغنك مقلد  
 اولديغنك اكلاشيلم يله - صوكردلى اسكى قيمتى قالدغندن  
 پادشاهك بالخاصه بر هيئت سفارته توديع ايله قرالك پيشگاه  
 سرور وشكراننه عرض وتقديم ايتك ايستديكى احماق آلدانان  
 هديه لر سكزنجى شارل نردنده جای قبول بوله مادی . حتى  
 بوكوكل آووده جق هديه لری ايصاله مأمور اولان عثمانلى سفیرینی  
 قرالك قبوله رغبت كوسترمديكى مرويدر . خطیب زاده نصوح  
 چلبی نك افاداتيله حقنده بر میل وانجذاب طويمغه باشلايان سكزنجی  
 قارلوس ( شارل ) شهرزاده نك اطلاقه علاقه دار كورونیور  
 ایدی . جمك پایاه تسلیمی ایچون دابؤسسون نردنده اصرار لرینی  
 آرتدیرمه باشلادی .

ناپولی قرالی عاینده ایتالیایه بر سفر اجراسنی تصمیم ایتکده  
 اولان فرانسه قرالینك اجرای مقاصد و آمالده مشکلاته اوغرا-  
 مامق حسابيله شهرزاده یی نردنده بوندير مق ایسته یین پایاه  
 یارانمق ایچون اطلاق مسئله سنی ترویج ایتدیكى مستبعد دکلدر .



دابؤ سسون بری قاتوایک کرسی\* روحانیسندده ، دیکری اوروپای غربینک امور سیاسیه سنده صاحب نفوذ برر سریر سلطنت اوزرنده فرمانرو اولان بو ایکی حکمدارک تمایلاتی اصغایتمامک جراتنده بولونه مازدی . شووالیه اوجاغنک بر پادشاه اوغلنه قارشی - آرتق موجب عاروشین اوله جق بر مرتبه نی تجاوز ایتمش اولان - درشتانه وبی رحمانه معاملاتی اوجاقدن متنفر اوله جق درجه ده اوروپاچه چرکین کورونمکه باشلامسی ده شووالیه رئیسینی دوشوندیرن مؤثراتدن ایدی .

واتیقانک اوجاغه بخش ایتک وعدنده بولندیغی امتیاز ومظاهرت سلطان بایزیدک ۴۵ بیك دوقه آلتونی تعویضات سنویه سندن داها دکرلی کورولدی .

نهایت جم ، « بورغ نو » دن قالدیریلوب مارسیلیایه اورادن ده طولونه سوق اولوندی . پاپانک ، اوراده ورودینه انتظار ایتدیکی ، مرخصی راهبه تودیع قیلندی . دابؤ سسون عسکرایدی ، سلك راهبانده بولونماقلا برابر بو خدمتک مقابله سده سراهانته قاردیناللق سرپوشنی قویمقله پاپا طرفندن تلطف اولونیور ایدی .

طوقوز سنیه واران قید اسارتدن - معیتنده شوالیه لر ایله دوستلرندن تشکل ایدن برهیئت توقیرییه بولوندیغی حالده - اوکا صوک محبسلك ایدن بویردن (بورغ نو) عاقبت شاهانه برصورتیه آیریلدی واصل اولدیغی طولوندن ایکی رودوس غالیسی اولندی . الدی ، رومایه کیدمک اوزره ایتالیا ساحلنه طوغری یلکن آچدی .

پاپا یدنجی « ایننوسان » ك برادری - ایتالیانك آق دكتر  
 ساحلنده برلیمان اولان - « سیویتاوه چیا » یه قادارجك استقباله  
 كلدی . جم عثمانی دبدبلی بر آلائی ایله رومایه کیریور ایدی .  
 پك آغیر ایشلمهلی برغاشیه اورتولش احتشاملی کوزل بر آته  
 ینش اولان شهرزادهك شرقه مخصوص لباس واسلخه سی  
 اونك استقباله ، تماشاسنه قوشان رومالیرك انظار حیرت  
 واحترامنی اوقشایور ایدی .

فرانسهك ، اوورنیانك شووالیهلری ، شهرزادهك معیت  
 خصوصیه سی تشکیل ایدن پارلاق طاقلی ، بهادر وضعلی  
 عثمانلی آتلیلری ، پاپا تزدنده بولنان اجنبی سفیرلری ، قار دیناللر ،  
 پاپالر اقامتگاهی « واتیقان » سراینك مابینجیلری ، پاپانك معمت  
 محافظلرینی تشکیل ایدن سلا حشورلری بو مختشم مراسم واستقبال  
 آلائی تشکیل ایدیورلر ایدی . سلاح سطوتیه شرقی رومایه  
 کیرمش اولان فاتحك اوغلی سلطان جم ، اوندن قرق سنه صوکره  
 غربی رومایه ، فقط دوستانه بر صورتله قدمزن اجلال اولویور  
 ایدی .

« واتیقان » سراینده مسافر ایدلدی . پاپایه تقدیم اولوندیغی  
 کون کندیسنك اسلام دینده بولندیغی و عثمانلی خاندانندن  
 بولمق شرافت نسبنی هر یرده اولدیغی کی ، بوراده ده اونو تمایان  
 جم ، مهماندارینه بورجلی اولدیغی رعایت وشکران وجا بنده  
 قصور کوسترمه مکه برابر پاپا حضورنده - نصرائیلره مخصوص  
 مراسم آدابدن بولونان - دیز چو ککی اکا یاقیشان وقار شاهانه ایله



سلطان ( جم ) ك بروسهده كاڻن تربهسى





ايله رد ايتمش ، باشنده كي عمامه يي ده محافظه ايدرك بووقار شاهانه يي برا كليل تعامل پرورانه ايله تتويج ايله مشدر .  
 بومراسم ملاقاتده اوني اسارتدن قورتاران پاپايه طوغري ايلروله يوب شرقت عالم اسلامنده معتد اولديغي اوزره اقران معامله سي اوله رق شايين رعايت مهماندارينك اوموزلريني اوپمكله اكتفا ايتمش ايدى .

بويله محشم مراسمه بولماسي واتيقان تشريفاتندن بولونان حاضر و نك مواجهه لرنده رسم قبولك اجرا سندن صوكره پاپا مهمان نجبي ايله صورت خصوصيه ده چكيلوب كوروشمش ؛ شهزاده اوكا سنه لرجه چكديكي مصائبدن ، محبسلرندن بحملرده بولونوب آناسندن ، زوجه سندن ، چوجقلرندن بي رحمانه بردرشتي ايله آيريلمس اولمسندن شكيتلر ايتمشدر .

لساننده كي فصاحت ، طورينه ، سياسنه انطباع ايتمش اولديغي كي افاده سنده ده بلورن اهتزاز و آثار ملامت يدنجي اينوسانك كوزلريني ياشارته جق درجه ده رقت قلبي جلب ايتمش ايدى .  
 بودنياده اوكا يكانه قيمتلى و معزز قاله بيلمش اولان عالمه سنه بركون اول قلووشق ايچون همان مصره كونده ريلك ارزوسني اظهار ايدىوردى . فقط پاپا درحال مصره كيتمك شهزاده نك اقبال واستقبالنى ، برده اوني اجدادينك سرير احتشام واجالانده كورمك ايسته ين نصراني پرنسلك آماننى دوچار تزلزل ايده جكنى برلسان لين ايله اوكا افهام ايدرك شيمديلك بوسياحتك موافق اوله مايه جنى جوابنى ويريور ايدى .

مجار قرانك، شهرزاده بی طونه بی امرار ایله تأمین مقصد  
ایده بیلیمی ایچون، بروردی بی اوکا حاضر طوتمقده اولدیغی  
آکلاتیور؛ اکر نصرانی قیبول ایده جک اولورسه بوتون خرسیان  
پرنس لرینک معاونت و مظاهر تیری تأمین ایدلمش اوله جغندن  
بوسایه ده هم معالیات سمواتی، همده سریر سلطنت اجدادی  
قازانه جغی پایا اوکا تکلیف واتیانه قادار واریوردی .

بوتون دنیانک حاکمیتی دینی اوکا استحقار ایتدیرمه جگنی  
هرده رلو احتمالک فوقده ضعف قلبه مالک اولسه بیله اهانت  
واعتزالک اونی حق سلطنتدن اسقاط ایله غیابنده برادرینک  
عثمانی قضاتندن طوعاً و کرهاً المش اولدینی حکم متغلبانه بی  
ایشته بواهانتله تشریع ایش اولاجغی اتیان ایدن جم تزدنده  
بوتکلیف مالایطاق بررد صریح و قطعی به اوغرادی .

پایا اینموسان اعتدال افکار و افعال اصحابندن اولدینی قادار  
منسوب اولدینی عرقک مخصوصاتندن بولونان کیاست و سیاستی  
قاورایان اصحاب فطانندن بولونمقله هان مکالمه نک طرز جریانی  
دکشدیرمش؛ شهرزاده بی مظاهر تکارانه، دوستانه رعایتلره مستغرق  
ایله تطییبنده قصور ایتمه مش در .

نصرانی پرنس لرک اتفاق متصوری تحت عثمانیانی برادری  
الندن قوپاروب اله بیلیمک ایچون مجارستانه دعوت اولنمنه  
انتظاراً بودفعه ده براقچ سنه بی - محتشم اولسه ده اوکاینه منفا  
دیمک اولان - واتیقان سراینده کچورمکه مجبور اولدی .

مصردن رومایه کلن مملوک سفیری شهرزاده به - سریر عثمانیده



اقبال نشين ايتمش كې - يراو يوب عرض توقيرات ايتدى . والديه سيله  
 زوجه سندن كتموردىكى مکتوبلرى توديع ايله عائله نجيپانه سنك  
 صحت واحوالندن اونى خبردار ايلدى . بو كوروشمه ده ايدى كه  
 دابؤسسونك عائله شهر ياريلرىنى اغقال ايله يكرمى بيك التون  
 يد احتكارينه كچوردىكى ميدانه چىقدى .

پاپا اينوسان عزت نفسه ، كنيسانك شرفه طوقونان  
 بو افعاى لوم ايله مغصوب پاره نك بر قسمنى شو واليه لردن استرداد  
 ايدى بيلدى .

شهزاده حقنده نصرانى پرنسلرله بيتوب توكنمك بيلمىن  
 مكالمه لر ، تكليفلر جمله سندن اوله رق سلطان بايزيدك معتمدلردن قوجه  
 مصطفى پاشانك رومايه مأمورى شهزاده نك پاپا نزدنده مادام الحيات  
 محبوسيتنى استىحصال ايدى بيلمك ايجون سنه ده ۵۰ بيك دوقه  
 التونى تعويضات تكليفنه دائر ايدى . امل شاهانه قرداشنك  
 توقيف وتسجين مؤبدندن داها اوتيه كيديور ايدى اما ؛  
 يدنجى اينوسانك اى يوركلى اولمىسى ، حلم طبعى ، نزاكتلى  
 بولمىسى اياچى پاشايى بوتكليفنه جرأتدن آليقويمشدر .

بو آره لق جهك قتلى حقنده ظهوره كلن برتشبئده - كه  
 متشبثك پاپا امريله اعدامى انتاج ايتمش ايدى - سلطان بايزيدك  
 پارمى اولديغى روايتى واردر . بوتشبث جنائتكارانه يه اشتراك  
 ايدنلردن بردر بدرك - اوزمانلر عادات مستهجنه سندن اولوب  
 تخطرى بيله بوكونكى جمعيات مدنيه نك شعار رقيقنه نظراً  
 يوزلرى قيزارته جق اولان - اشكنجه زور واداسيله ايشده

سلطانك اسافل ايمرنديرن موعود التونلرينك عامل اولديغى  
اعتراف ايتديكى واتيقان دفاتر اعمالنده مقيددر .

بوتارنخلرده ( ۱۵۹۲ م ) پاپا اينوسان وفات ايتمش ايدى .  
« التنجي آلکساندر » عنوانيله « بورجيا » پاپالق صندالى  
روحانيسنه صعودايتدى . مناهيدن اجتناب ، اذاي وجداندن تخاشى  
کي معالياتي بوتون آياقلىر آلتنه آلمش اولان بو پاپا نزدنده  
پادشاهك جرأت مطالباتي داها آرتيور ايدى .

بورجيا پاپالق مقامنى برطاقم افعال نابجا ايله محروم شرف  
ايدن برطينتده ايدى . موقع اقبلى آدم اولديرمکله ، جنايتلرله  
تقويه وادامه ايتمش نهايت عمرينى ده برزهرله بيتيروب يوق ايتمش  
بريادکار ايدى .

سلطان بايزيد خرستيان پرنسلىرله اولنرك ، خصوصيله  
اوزمانلر ، متكاى مغنويسى اولان پاپا حقنده اخذ معلومات  
ايچون اوروپا مملكتلرنده بولنديرمقده اولدينى - پاره اوغورنده  
هر فسق و مناهي يي اجراده لش اوزرينه حريصانه ديش اوران  
آچ كلبلىر كي - هر كوشه يي طولاشان ، تجسس ايدن ايتاليان ، غره ق  
جاسوسلىرله پاپا بورجيانك بو حالنده كسب وقوف ايدى .  
ايجه لىكلرده تراخى كوسترمه يه ر ايدى .

بوطينت و افعالده بر پاپانك كنيسايه صتون آلنان ، غياباً اشد  
جزايه محكوم ، بر ملتيجى نك باشنى ده صاتمه سى مستبعد كورلمديكندن  
بايزيد بر نامه هايون ايله دفعه نانيه اوله رق قوجه مصطفى پاشاني  
رومايه كوندردى .

پاپالرك محزن اورا قنده نسخہ سی بوكونه دك محفوظ قالان  
نامہ ہایون « جك فرائسہ قرالی الینہ کچمہ سی ہم منفعت  
شاهانہ لرینہ ہم ده پاپانك منفعتنه مغایر اولہ جغندن بخٹلہ ناصل  
اولسہ البتہ برکون طوتولہ جنی اولومہ، اضاءہ وقت ایلہ اونك  
تمدید مصائبہ میدان برآمدن، برآن اول تسلیمی ایچون شہزادہ نك  
باشی کسيلمہ سنی، التماس وتوصیہ ایدیور ایدی .

صورت محبانہ ده یاپیلہ جق بو خدمت مقابلندہ ۳۰۰ بیك  
دوقہ التوننی تکلیف ایدیلیور، ممالک عثمانیہ ده اقامت ایدن  
وسیاحت ایدہ جك اولان لاتینلر ( قتولیکلر ) حقندہ مظاهرت  
سنیدہ ده علاوہ وعد اولونیور ایدی .

بومکاتبہ اوزرینہ پاپانك باش تشریفاتیجی بولنسان راہب  
سفارتلہ استانبولہ کوندرلدی . فقط شہزادہ نك قتلہ جسارت  
اولونہ مادی . سنہ ده قرق بش بیك دوقہ آلتوننی تعویضات  
مقاولہ سیلہ شہزادہ ایکی سنہ دہا « فرشتہ مقدس » معناسنہ کلن  
« سنت آثر » شاتوسنہ نقل وحبس اولوندی کہ بوراسی « آدریہن  
ایمپراطور » ک مزاری ایدی . ایشك کیدیشنہ کورہ او  
عجسده شہزادہ یہ حرمت ایدیلیور ، یا کہ حقندہ کی رعایتدہ  
اہمال اولونیور ایدی .

بومرتبہ سورکلی ، سورکلی اولدینگی قادار نامشروع ،  
براذایہ ہیچ برپر نسك طوتولدیغنه تا یخلردہ مثال کوسترمک  
متعسرردر .



پاپانك بوتار يخلرده متفق بـ لنان سكرنجي شارل برفرانسه  
 اورديسي باشنده نابولي قرالى عليه اوله رق شمالي ايتاليايه  
 تخطي ايتمش ، رومايه طوغري ايلروله يورايدي . موده سي  
 هنوز اورته دن قاقما مش شوواليه مشربلي قرالك پاپالق صندالي  
 روحايسنده بورجيانى ابقا ايدوب ايمه يه جكنده اومتد ايدى  
 يرند . آليقويه جقمى ؟ يا خود داعيه تغلب ايله جناياتنك جزاسنى مى  
 ويره جك ايدى ؟ بوراسى مجهول ايدى . بوجهتله پاپا اوغلى  
 « سزار بورجيا » نى برابرينه آلهرق جك محبسى بولونان  
 فرشته مقدس حصارينه قاپاندى .

قرال ايله پاپا آره سنده مذاكرات باشلادى . پاپا ، اوغلى  
 سزار بورجيانك تبديل مقصده نابولي قرالى عليه اوله رق  
 كنديسييله برله شمسنى شارل طلب ايديور ايدى .

اوزمانك كياستى قرال ش اوله شهزاده حقنده مروتمندانه  
 بولونمى اونوتديرمايور ايدى . چو حقلغندن برى قرون وسطى  
 شوواليه لكه عائد رومانلر اوقومق اعتياديله خيالات قهرمانىيه  
 مجلوب اولماسى ده اونده احساسات جوانمرانه اويانديرمش  
 ايدى . حقنده بر حكمداره ، بر شهزاده يه لايق معاملات  
 رعايتكارانده بولونيله ساسى شرطيله جم شارلك سراينه نقل  
 اولوندى .

تخليصى حقنده اوچي بيننده جريان ايدن مذاكرات  
 شهزاده جك سجن اسارتده ده فاتح اوغلنه ياراشان علو جناب  
 شهياري نى محافظه ده ثابت قدم اولديغنى كوستير :

پاپا بوجیا شهزاده بی قراله تقدیم ایدرایکن :

— پرنس ، دیمش ایدی ، سزی برانکده ناپولییه کوتورمک  
آرزو منده بولونان فرانسه قراله رفاقه رضا کو . تریرمیسکز ؟  
نسب وقدر شاهانه یه یراشان وقاری محافظه ایله برابر  
سنه لردنبری چکمکده اولدینی الامدن متأثر اولان شهزاده

— شهزاده معامله سی کورمیه جک ایسه . بنده حائز اولدیغ  
شرف نسبی تقلیل ایدن ، سزده نصرانیتک حق شناسانه اولمق  
لازم کلن افعاله نقیصه ویرن اسارتک یرینی دیکشیدیرمه نك  
نجه نه حکمی اوله بیلور ؟ ! جوابی ویردی .

استرداد سربستی ایده جک اولان شهزاده نك زندان بکجیلکی  
خاطراتیله اوتانان پاپا

— بن سزی ناصل اسیر عد ایده بیلورم ؟ فرانسه قرالی  
ایله سزایکیمکرده تمیز ایتیش حکمدار زاده لرسکیز . بن شوراده  
ایکی ذات حشمتاب آره سنده بروا طه ملاقاتدن باشقه برشیئی  
دکلم . کبی بی سود تملقلره قالدیشمش ایدی .

سکزننجی شارل آدریه ن ایمپراطورک مزارندن قورتاروب  
چکدیکی اوبدبخت شهزاده یه نسب وشخصنه لایق احتراملرده  
قصور ایتدی ؛ شاهانه سوزلرله عزت نفسی ، ابزال ایتدیکی  
رعایتلرله قلب رنجیده سنی اوقشادی . باشنه کلن مصائبه تأثرکنان  
اولدی . اونی بویله رنجیده ایتمکدن ابا ایتمینلری اتهام  
واستحقار ایلدی .

ایرتسی کونی سلطان جم ، قرال شارل ایله چزار بوجیاده

برلکدہ آتلمہ بنمش اولدقلری حالده رومادن حرکت  
ایدیورلر ایدی .

جمک « بورغ نو » شاتوسندن اطلاقی ایله رومیایه کیررکن  
پاپا « اینتوسان » طرفندن دبدبلی صورتده قبولی ، رومادن  
چیقارکن موقع ونسبنه مخصوص احترامات ایله قرال شارله  
رفاقتی کبی وقایعدن استشهاد ایدن بعض مورخلر ، اونک اون  
اوچ سنه سورن آوان اسارتی بر « دورء مصائب » تشکیل  
ایتمکدن ایراق اولدیغی اعتقادنده بولونورلر .

جتی شہزادہ نک :

جام جم بوش ایله ای جم بوفر نسکتاندر !

مطالعیلہ ابتدا ایدن مشهور غزلنده کی :

صاغلی صوللی باش اوروب ایافنه دوشنلرک

هر بری ملک فرنکک برینه بر باندر

اون ایکی بان اوغلی بان قارشوکده آلتون حام چکر

اون سکیز ساقی بو مجلسده کوزل دوراندر

جمله سی زرین کر آلتونلی دیبالر ایله

باشلری زرین کلاه هم قولاری عریاندر

کیکی لسان نشاط آلودندن صادر اولان بیتلردن استدلال ایله

سلطان جم اوروپاده مختزده دکل ، بلکه هر کون بر عید ذوق

ونشاط ایچنده یاشادی دیمک ایستلر .

حیات بشرده هرشی نسی دره وطنده ، عائله اوچاغنده

برحیات مسعودانده نصیبه دار اوله مایان فانی بر بدبختک دورء

اسارت واغترابده نشره آور بر حیاتہ مظهریتی اونی آووته



بیلسه ده شهزاده طوغمش، شهزاده بویومش، اون درت یاشندن  
بری جانیک ایله قرمانده لذت حاکمیتی طاقمش، باباسی اولدیکی  
زمانده عثمانلی تخت مفخمنده فرمان فرمای حاکمیت اولغنه  
نفسنده بیوک قرداشندن زیاده استحقاق کورمش جم کبی بر  
پادشاه اوغلنده، بالذات مدح وستایشنده بولوندیغی، بویله ادر  
ذوقک بیله وطننده کی ایام و امال احتشام وشوکتی اونوتدیره جق  
تأثیرلر کو ترمسی قولایجه قبول ایدیله من .

شاهانه امر ویرمهک، حاکمانه یاشامغه آلیشمش بر شهزاده نك،  
حقنده نه قدر رعایت کوستریلورسه کوسترلسون بر شووالیه  
تورودیسی النده سجن اسارتده قالماسی تحمل فرسا احوال دندر .

بویوک آنالرمزك چوجق ایکن بزه « نینتی » یرینه کچن  
مصاللرنده سویلیه کلدکاری « طوطی شاهی »، ادر اکی انسانك  
کعب فراستنه ایرمکدن دنیالر قدر ایراق اولان اوزواللی قوش،  
بیله مهبط انسال بشر اولدیغی قدر بلکه مهبط اجناس طیور  
اولان هندستانك، برده جوغرائ بریانیاش یوزندن بر زمان  
« هندستان » نامنه اشتراك ایتمش یکی دنیا ( آمریکا ) جنوبی  
قطعه سنك آتشی بولوطلرله قاوریلان اورمانلرینی، اقلیملرینی  
آلتون قفسلره ترجیح ایدوب طوررکن، جمی اجدادی طوپراغنه  
ایکی الیشلی بزم عشرتله اونوته رق اسارت دلفریبانه یی ترجیح  
ایده جك مرتبه ده احتساسات معالیدن تنزیهه قالدیشمق عبث اولور .  
شهزاده نك دوره اغتراب یادکاری اولان غزل معروفنده :

سکا بو حسن ايله اى شهرزاده صاغر صوندينى  
 تخت جين ، ملك يمن ايران ايله توراندر !  
 بيتنك احموا ايتديكى استغنالردن اوزوق عالمنده كوكلينك  
 تخت سلطنت اجداددن محروميته نالان اولديغنى ، لاقيدانه  
 ايهاملرله اولسون ، افشا ايتمكدن كندىنى اله مادىغى عيان ، بيان  
 كورولور .

خسروا كوكانى خوش طوت عيشه مشغول اول مدام  
 چونكه بو دنيا اوينك اخري ويراندر .  
 حكيم ايدنلر بوجهان ملكنه شرق وغربدن  
 كر سليمان ، كر سكيندر جلاله سى مهماندر

كيبى ابيات ايسه حرمان اقبال واجلالك او شهرياز  
 شاعر طينتى بر آن ايچون عرش اعتلاى حكيمته اصعاد ايده جك  
 مه تبه ده آمال شاهانه دن تجريد ايتسه ده ، كوكلىنى ياقان آتشك  
 يكي يه ده حرمان شوكت واجلال شاهانه اولديغنه باغيران بر شاهد  
 بليغ دكيدر ؟ يا ، اوني برادري سلطان بايزيدك ظاهر آ متوكلا نه  
 وحكيم مشربانه غازه لرله اورتولمك ايسته نن :

چون روز ازل قسمت اولونمش بزه دوات  
 تقدير رضا ويرمه يه سين بوكا سبب نه ؟  
 حج الحرمينم ديو دعوالر ايدرسين  
 باسلطنت دنيا ايچو بونجه طلب نه ؟  
 جواب متهكمانه سنه چاريان :

سن پستركلده ياتاسين شوق ايله خنزن  
 بن كل دوشمن كاخن عنتنده سبب نه ؟  
 كبي متجلدانه خطابلر شهرزاده نك عالم اغتراب واسازرده

هر دورلو امل اجلال و سلطنتی بزم عیش و نوشه فدا ایتدیکنه می  
دلالت ایدر !

ایمدی بویله عارضی ذوقلر ، حتی دنلواز فلیپینک کوثر  
عشقیله بر نشاط اولدیغی روحپرور کونلربیلله هپسجن اسارتده  
کچیکله جم اوروپاده مسعود دکل نامراد اوله رق یا شامش ، نامراد  
اوله رق اولمشدر .

\*  
\*\*

ناپولی ممالکنده پک اوزامایان سفرده شهزاده حاضر  
بولونیور ایدی . یولده لیتالیانک قدیم بلده لرندن اولوب یزدان مهر  
اساطیر « آپوللون » نامنه یالیش بر معبدی احتوا ایله طانیلمش  
اولان « ولتری » شهری ایله رومانک معروف ایمپرطور لرندن  
« اوکوست » قیصرک طوغدیغی یر اولان « ترراسین » شهرنده  
برقاج کون توقف ایتدی .

منفیلک ، محبس ، هجران عائله ، افتراق وطن ، عشق  
وسودا ، حرمان اقبال و سلطنت کبی نیجه انفعالاتک ویردیکی  
الام ایله غیر مترقب استرداد حریتک سرور و نشاطی اونک قوای  
بدنیه سنی چوق صارصمش ایدی . کویا که ملک الموت اوبد بخت  
شهزاده یی محبس اغتراب و اسارتک قاپیسنده بکله یور ایدی .

« ترراسین » ده صیتمه یه یقالاندی . بر فرانسیز سفینه سی ،  
اوکا دوست اولان قرالک تقیدات مخاذنتکارانه و شمیمقانه سیله  
اغزاز ایدیلهرک ، همان سکرآت موت آلتده اونی ناپولی یه نقل  
ایدیوردی .



ناپولی ده ضعیفی پک آرتدی . صیتمه نك یاقیچی آتش-لری  
 ایچنده عقلی گاه کلور گاه کیدردی . حیاتك صوك دملرنده  
 مصرده والدہ سندن کلن مکتوب ضعیف وتیترهك اللرینه ایریشوب  
 آنا مکتوبخی اوپوب قوقلامق سعادتق اوکا میسر اولمش ایدی .  
 شدت احتراق بدنله قاوریلوب اریمکده اولان دماغده کی ضعف  
 ادراک شفقت مادرانه ایله موشح واشتیا قنامه نك مندرجاتی ادراک  
 لیاقتندن یچاره اسیر فراشی محروم ایدیور ایدی .

جسد و دماغده کی بوتعب هنوز حاد بر مرتبه یه وارمقدن  
 اوکجه پادشاهه یازمه بیلدیکی ویا یازدیره بیلدیکی بروصیتنامه متضرعانه  
 ایله « بعدالوفات جسدینك وطنه نقلنه مساعدده ایله مقابر اجداد  
 یاننه کومولمه سنی ؛ والدہ وزوجه سیله اولادینك مصر دن استانبوله  
 جلیله حققرنده مظاهرت هایونك ابدالنی ؛ برده حق خدمتی  
 کچن خدامینك منظورالتفات بویوریلالرینی » طلب ورجا ایتدیکی  
 مرویدر . فقط عائله سنه ، اولادینه عائد اولان استرحامك  
 نزد شاهانده جای قبول بولوب بولمدیغنه دائر تاریخلرمن قیحت  
 قید وبحثه طوتولمشلردر .

زواللی جم ۹۰۰ سنه هجریه سی جمادی الاولینك طوتوزنجی  
 جمعه کیجه سی اوتوز آلتی یاشنده ناپولیده جان ویردی . بو  
 آجیقلی کون مصردن حرکتك ۱۴ نجی سنه سنی اکمال ایدن  
 ۱۴۹۵ سنه میلادیه سی شباطنك ۲۴ینه تصادف ایدر .

منفاسنده اوکا یاروفادار قالان محبان و بندکانینك تأثرات  
 تعظیمکارانه سی ، بویله وقتندن اول برعاقبتہ معروض قالماسنه

آجییان فرانسه قرالینک انظار اسف واحتفالی ایله محاط اوله رق  
آتالرینک دینته صادق قالدینی ، حتی او اوغورده فدای نفس  
ایله دیکی حالد افول ایتدی .

صوڪ نفسی ویرمکدن برقاق دقیقه اول « آمان یاربی ؛  
دین مبین محمدینک دشمنلری الیمعزز وموقردینم علیهنده اکر  
بنی بر آلت احتیال واضرار اوله رق قوللانه جقلمر ایسه اولوم  
بوکا مرجحدر ؛ بر آزا اول جانمی آل ! » دییه تضرعه بولونیور  
ایدی . بوتضرعه حاضر اولانلرک شهادتی اونک تبدیل مذهبله  
اعتزال ایتدیکی روایت سخیفه سنی حکمدن اسقاطایدن دلائل  
صحیحه وواقعه دندر .

قرال شارل اونک اولومنه آغلادی .

جک جسدی قرالک اطباسی طرفندن تحنیط ایدلدی .  
قپوجی باشیسی سنان بک غسل وتکفین وجائب دینیه سنی  
ایفادن صوکره متوفانک نعشی قورشونله قاپانمش سروی  
آغاچندن بر صندوقیه وضع اولندی . قرال ، متوفی شهزاده نک  
معتمد آدملرندن اولوب رفقای اغتراب ومصابئندن بولونان  
آیاس بک ایله جلال بک مواجهه لرنده ، تابوتی میخلاتوب  
قورشونلا تمش ایدی .

تاج التواریخ صاحبی سعدالدین بو حزنلی مراسمی «قرال شارل  
جوفی نافه مثال پرمسک وغنبر ایدوب مشمعلره صاردیردی ؛  
سروی آغاچندن یاپدیرلمش تابوتی بر آهین صندوقیه وضع  
ایتدیروب سنان بکی نکهمان ایددی » دییه قید وضبط ایدر .

اوزمانك تورك ، فرانسز ، ايتاليان مورخلى ايتالياده  
چوروغدرك اعتيادات صرهنه كچديكى بو عصرلرده بو اولومى  
پاپا آلتيجى آلكساندر ايله اوغلى الندىن چيقان برجنائت و قتله  
عطف ايتكمده متفق الروايه درلر . كنيسانك بوايكي اولوسيني  
داثما الله يا زهر ويا خنجر اوله رق تصوير وارانئ ايدرلر .  
جهمك زنداندىن تخليص نفس ايله رومادىن حركت ايتديكى  
كون مصطفى پاشا ايله پاپا ايلچيسنك برلكده استانبولدىن رومايه  
واصل اولدقلى ده مورخين عندىده منفق عليهدر . فقط  
بونلر كچيكمشلر ايدى .

پاي تخته سىلورى قاپيسى جوارنده كي جامعيله ، محله سيله  
مشهور اولان قوجه مصطفى پاشا طوقسان بيك دوقة آلتوننه  
بالغ اولان جهمك ايكي سنه لك تعويض اسارت گذشته سيني پاپانك  
استانبوله كوندرديكى سفيريله برلكده رومايه كتيرييور ايدى .  
آلكساندر بورجيانك ايام حياتنه زهر ايله خاتمه چكدكن  
صكره پاپالق مقامنه كلن واوته دنبرى بورجيايه معارض بولونان  
قاردينال ژان ، يولده « آلقونا » شهرنده بوايكي سفيري يقالادى ؛  
اللىرده كي پاره يي ضبط ايتدى . پاپانك پاره يه بك احتياجى  
اولديغدىن ۳۰۰ بيك آلتونى الله ايده بيلمك ايجون تكليف  
ايديلمكده اولان جنائت قتلى آرتق احرايه قرار و يرمش  
وبوجه تله ترزاسينده فرانسه قرالى صحابتنده بولونان جهمي پاپانك  
كنديسندن داهالايخطى اولان زهريله اولدورتمشدرديرلر . بومنفور ،  
بو وحشيانه خدمته قارشى ده نائل مكافات اولديغنى روايت



ایدرلر . بعضی مورخلره کورده ده « مصطفی » آدلی بر بربرک سرایدن کلوب بایزیدک القا آتی و بورحیانک مشارکتی ایله ناپولیده جهک دائرهنه صوقولوب اونی تراش ایدرکن زهرلی براوستره ایله تسمیم ایتدیکی روایتنه قادر ایشی واردیرلر .

شهرادهنک زهرله اولدیرلدیکنه قانع اولمیانلره باقیلنجه بواسنادات برظن وروایت بهوده در . چونکه جم اونک الندن چیمهش قورتولمش ایدی . پاپا داها اوچ سنه اولبایزیدک تکلیف جنایتی رد ایتمش ایدی . جم النده اسیرکن بوجناتی یامق اونجه داها قولای ؛ مظهر مکافات سنیه اولماسی ده محقق ایدی . حالبوکه جم یاشادی . سکزنجی شارل میلان ، طوسقاناملیکتلرینی خوف وهراسه صالمش ، رومایه یاقلاشورکن اسیرنجیی پاپانک الندن قورتارمغه کلدیکی بیلنیور ایدی . بوجهته الکساندر بورجیا بوصیقیتیلی اسیردن داها ارضیرهده قورتولمغه استعجال کوستره بیلور ایدی . حالبوکه جم برحیات اوله رق قراله تسلیم اولوندی . جم رومادن آیرلدقدن صکره پاپانک نه صورتله مکافات طلبنه حتی اوله بیلور ایدی . بورجیالرک جنایتلری ، ظالمانه افعالی منکر دکلدرا اما ، بو افعالك ابلهانه اولدیغی کورولمامشدر .

جم جانک زهری اولان فلاکت ایله افول ایتمشدر . تاریخ حتی جانلره ، ظالمیره قارشى حق کولکی ، طوغرویی بورجلیدر . زمیننده کی مطالعات ایله مقابلهده بولونورلر .

شهرزاده نك وفايله استرداد حریت ایتش اولان سنان بك  
استانبوله یوللاندى .

فلاكت دادر ايله سریر عثمانیده مكنت سلطتی برقات داها  
مؤید اولان بایزید ثانی - احتمال كه صمیمی اوله رق - اولومنه  
آغلادی . برهیئت سفارت ايله جنازه یی قالدیردجق آدملى ناپولی یه  
کوندروب شهرزاده نك تابوتنى آلدیردی . جمك نعشی ناپولیدن  
اولا کلیبولی یه ، صکردهده بروسه یه نقل اولونوب بودنیای فانینك  
بوتون اختراصاتی ده اجساد اموات کبی صوقولوب غائب اولان  
اجدادینك تربهلری یاننده کی مزار مؤبد فانینسه کومولدی .  
بومزار بویوك باباسی سلطان مراد ثانی نك بروسهده بنا ایتدیکی  
« مرادیه جامعی » نك اولیسنده آیری برتر بدهدر . بو آولی  
عثمانلی خاندانی اعضاسندن قادین ، ارکك قرقه یقین مرقدی  
احتو ایدر بر مقبر وسیع شاهانهدر .

تخریبات طبیعی نك زماندن چوق معین بیامانی اولان  
عصر دیده اهل لاقیدانه و جاهلانه پنجهلری کبی بو آبدۀ موقر  
اسلافی ده ، متحسس و قدر شناس زائرلرک دلخون اولهجنی  
برحاله ، خراب ایدوب براقشدر .

قرال شارل جمك خزینه سنی ، مجوهراتی ، سلاحلرنی ،  
البسه سنی ، که منفی پرنسک میراثی دیمك ایدی ، حضوع و خشوع  
قلب ايله طوپلاتوب جمك اك معتمد آدمی خطیب زاده یه  
تودیع ايله اونى فرانسه کیلریدن بریسنه بیندیرهرك مضره کیدوب  
متروکاتی عائله سنه تسلیم ایتمه کة مأمور ایتدی .

فاتح زاده نك عاقبتی ایشته بویله اولدی . رودوس  
شوالیه لرینك اویونچاق ایتمك ایسته مش ، بر چوق نصرانی  
پرنس لرك آلت مخادعه لری حکمنه کیرمش ، پاپانك محبوس قالمش ،  
فرانسه قرالینك محمسی اولمش ومقدراتك زخمید سی دوشمش  
شهرزاده نك عاقبتی بویله اولدی .

او ، آسیاده ، اوروپاده برخطرء داستان براقان شووالیه لر  
النده کی سرانجامیله عثمانلیلر نزدنده اولسون ، فرنكلر نزدنده  
اولسون یاد حزینی قالان بر شهرت لایموتانه براقدی .

تاریخلر ، رومانلر ، اشعار هپ اونك نامنی پایلاشه مامش لردر .  
سرگذشت حیاتنك کنیدیسی بالذات مورخی ، مصوری اولدی .  
توركلر صوك ادواره دك اونك اشعارینی لسان تخطر وتقدیرده  
حفظ ایتمش لردر . اونی ، لسانلرینك اك رونقلی اكسودازده ،  
اكقهرمان مشرب شاعرلری صره سنده طوتارلر .

بروسه جامعلرینك اعصاردیده سرویلری التنده کی مزاری ،  
کندی اشعارندن برنده سویلدیکی وجهله شجره نسب عثمانی دن  
کسیلمش جدی مزاری اوزرینه آتیلمش برچیچك کبی در .  
واقعا ایکنجی بایزیدك تحت سلطنته مالك اوله مادی ؛  
اما ، وطنپرور ، تاریخ آشنا اولان بوتون عثمانلیلرک خیالاتنده کی  
سریر ابجالك الی الابد شهریار محبوبی قالدی .

« فلکده بخت اوتانسون بی نصیب ارباب همتدن ! »



« طاشلرلہ دو کونوب یورر آب روانی کور  
 رحم ایتدی بو حالمہ کون و مکانی کور  
 طاغیر باشنده ابرفلک آغلا یوب کیدر  
 یانجہ رعدک ایتدیکی آہ و فغانی کور  
 چاک ایلدی یقاسنی درد ایلہ صبحکاه  
 چرخک شفق مقامنہ دو کدیکی قانی کور »

شہزادہ جم

صوٹ




فیاتی ۳ غروشدرد .

### عثمانی تاریخی

محرر کچن سنه نشر اولونمیش اثریدر . مکاتب اعدادیه نیک  
یوقاری صنف طلبه لرینه مخصوص در . ساده و آچیق برلسانه  
وقوعاتی حکایه و محاکمه ایدر . بالخاصه توصیه اولونور .











DR  
503  
M45  
1911

